

Headline Latih pelajar rancang kerjaya
Date 06. Oct 2008
Media Title Harian Metro
Section VAR
Circulation 336603
Readership 2192000

Language MALAY
Page No V4
Article Size 372 cm2
Frequency Daily
Color Full Color
AdValue 4783.86



Latih pelajar rancang kerjaya

Lulusan pusat latihan boleh berjaya setaraf graduan



BERI PANDUAN... guru kaunselor berperanan memberi panduan masa depan atau maklumat mengenai kerjaya kepada pelajar supaya mereka mampu merencana masa depan dengan bijak.

>>>Oleh Mohd Rifaat Abd Hamid
rencana@hmetro.com.my

BEBERAPA bulan lagi pelajar tingkatan tiga dan lima akan menghadapi peperiksaan penting, justeru persediaan terakhir penting bagi jaminan kejayaan ke menara gading.

Selain membuat persiapan menghadapi peperiksaan, mereka perlu ada perancangan jika gagal ke menara gading. Ini bagi mengelak mereka hilang haluan dan terbabat dengan gejala negatif.

Justeru, saya mengesyorkan sekolah mengadakan lawatan ke pusat latihan kemahiran

bagi mendedahkan dengan pelbagai kursus.

Negara mempunyai banyak pusat latihan kemahiran tetapi masih ada pelajar tidak tahu kewujudan dan fungsinya.

Sangat praktikal jika guru sekolah boleh meluangkan masa memilih pelajar berniat dibawa ke pusat latihan berkenaan bagi membolehkan melihat sendiri kursus secara dekat.

Mungkin ada pendapat pelajar yang keluar dari pusat latihan kemahiran dilabelkan 'kelas kedua' kerana bukan lulusan universiti.

Pandangan dangkal itu perlu

diubah kerana boleh dika-takan hanya peratusan kecil saja pelatih dari pusat latihan menjadi penganggur jika dibandingkan siswazah.

Malah, pendapatan mereka mampu menyaingi pendapatan warga universiti.

Justeru, peranan guru kaunselor penting supaya pelajar kurang berpotensi dalam akademik tahu merencana masa depan bagi mengelak terus tercicir.

Biarpun tidak berjaya masuk ke universiti, mereka boleh berjaya dengan kemahiran diperolehi, sekali gus memastikan masa depan yang gemilang.



JANGAN JADI SEPERTI INI... jangan melakukan tindakan seperti ini kerana akan merugikan diri sendiri dan mengelapkan perjalanan hidup.

>Mentor



NAMA: Shuib Mustaffa
UMUR: 53 tahun
ASAL: Kedah
KELULUSAN: Ijazah Sarjana Sains Kaunseling dan Universiti Putra Malaysia
JAWATAN: Kaunselor di SMK Paya Kemuning, Jitra, Kedah dan Naib Pengerusi Majlis Guru Kaunseling Kebangsaan